

唐書合鈔

唐書卷第五十五

志三十一

五行三

從新書本
分注舊書

五行傳曰簡宗廟不禱祠廢祭祀逆天時則水不潤下
謂水失其性百川逆溢壞鄉邑溺人民而爲災也又曰
聽之不聰是謂不謀厥咎急厥罰常寒厥極貧時則有
鼓妖時則有
魚孽時則有不禍時則有耳痾時則有雷電霜
雪雨雹黑眚黑祥惟火沴水

水不潤下貞觀三年秋貝譙鄆泗沂徐濠蘇隴九州水
水太陰之氣也若臣道專女謁行夷狄強小人道長
嚴刑以逞下民不堪其憂則陰類勝其氣應而水至

其謫見於天月及辰星與列星之司水者爲之變若
七曜循中道之北皆水祥也四年秋許戴集三州水
七年八月山東河南州四十大水八年七月山東江
淮大水十年關東及淮海旁州二十八大水十一年
七月癸未黃氣際天大雨穀水溢入洛陽宮深四尺
壞左掖門毀官寺十九洛水漂六百餘家

帝引咎令羣臣直言

政之得失中書侍郎岑文本曰伏惟陛下覽古今之
事察安危之機上以社稷爲重下以億兆爲念明選
舉慎賞罰進賢才退不肖聞過卽改從諫如流爲善
在於不疑出令期於必信願神養性省畋游之娛去
奢從儉減工役之費務靜方內不求闕士載橐弓矢
而無忘武備凡此數者願陛下行之不怠必當轉禍
爲福化咎爲祥况水之爲害陰陽常理豈可謂之天
譴而繫聖心哉十三日詔曰暴雨爲災大水汎溢靜

思厥咎朕甚懼焉文武百僚各上封事極言朕過無有所諱諸司供進悉令減省凡所力役量事停廢遭水之家賜帛有差二十日詔廢明德宮及飛仙宮之元圓院分給河南洛陽遭水戶

九月丁亥

河溢壞陝州之河北縣及太原倉毀河陽中渾

太宗幸白

馬坂以觀之

十六年秋徐戴二州大水十八年秋穀襄豫

荆徐梓忠縣宋亳十州大水十九年秋沁易二州水

害稼二十一年八月河北大水泉州海溢驩州水二

十二年夏瀘越徐交渝等州水永徽元年六月新豐

渭南大雨零口山水暴出漂廬舍宣歙饒常等州大

雨水溺死者數百人秋齊定等州十六水二年秋汴

定濮亳等州水四年杭夔果忠等州水五年五月丁

丑夜大雨麟遊縣山水衝萬年宮元武門入寢殿衛
士有溺死者六月河北大水滹沱溢損五千餘家六

年六月商州大水秋冀沂密宛滑汴鄭葵等州水害
稼洛州大水毀天津橋十月齊州河溢顯慶元年七

月宣州涇縣山水暴出平地四丈溺死者二千餘人

九月括州暴風雨海水溢壞安固永嘉二縣四年七

月連州山水暴出漂七百餘家麟德二年六月鄜州

大水壞居人廬舍總章二年六月

舊書九月十八日

括州大

風雨海溢壞永嘉安固二縣溺死者九千七十八

壞廬舍六千八百四十三區殺傷人九千七
十牛五百頭損田苗四千一百五十頃

冀州

舊書

益州案

紀誤

大雨水平深一丈壞民居萬家

益州奏六月十三日

夜降雨至二十日水深五尺其夜暴水深一丈已上壞屋一萬四千三百九十區害田四千四百九

十六頃 咸亨元年五月丙戌大雨山水溢溺死五千餘

人二年八月徐州山水漂百餘家四年七月婺州大

雨山水暴漲溺死五千餘人上元三年八月青州大

風海溢漂居人五千餘家齊淄等七州大水永隆元

年九月河南河北大水溺死者甚衆二年八月河南

河北大水壞民居十萬餘家永淳元年五月丙午東

都連日澍雨乙卯洛水溢

漂損河南立德宏教洛陽景行等坊二百餘家壞

天津橋及中橋

斷人行累日

漂民居千餘家

先是頓降大雨沃若懸流

至是而泛溢衝突焉西京平地水深四尺已上麥一
束止得一二升米一斗二百二十文布一端止得一
百文國中大饑蒲同等州設徙人家口并逐糧饑餒
相仍加以疾疫自陝至洛死者不可勝數西京米斗

三百
已下六月乙亥京師大雨水平地深數尺秋山東大

雨水大饑二年七月己巳舊書紀八月案七月無己巳當從紀河溢壞

河陽橋溺河陽縣城水面高於城內五六尺自鹽坎已下至縣十里石灰堰並平流津橋南北道

無不碎破八月恒州滹沱河及山水暴溢害稼文明元年

七月温州大水漂千舊書四千餘家括州溪水暴漲溺死

百餘人如意元年四月新書紀五月洛水溢壞永昌橋漂

居民四百餘家七月洛水溢漂居民五千餘家八月

河溢壞河陽縣長壽二年五月棣州河溢壞居民二

千餘家是歲河南州十一水萬歲通天元年八月徐

州大水害稼神功元年三月括州水壞民居七百餘

家是歲河南州十九水聖祿二年七月丙辰神都大

雨洛水壞天津橋秋水溢懷州漂千餘家三年三月

辛亥鴻州水漂千餘家溺死四百餘人久視元年十

月洛州水長安三年六月寧州大雨水漂二千餘家

溺死千餘人四年八月瀛州水壞民居數千家神龍

元年四月雍州同官縣大雨水漂民居五百餘家六

月河北州十七大水七月甲辰

舊書紀六月戊辰

洛水溢壞

民居千餘家

詔九品已上直言極諫右衛騎曹宋務光上疏曰臣聞自昔后王樂聞過闕不

興拒忠諫罔不亂何者樂聞過則下情通下情通則
 政無闕此其所以興也拒忠諫則羣議壅羣議壅則
 主孤立此其所以亂也伏見明敕令文武九品已上
 直言極諫大哉德音其堯舜之用心禹湯之責已也
 臣嘗讀書觀天人相與之際考休咎冥符之兆有感
 必通其間甚密是以政失於此變生於彼亦猶影之
 像形響之赴聲動而輒隨各以類應故易曰天垂象
 見吉凶聖人象之竊見自夏已來水氣勃戾天下郡
 國多罹其災去月二十七日洛水暴漲漂損百姓謹
 案五行傳曰簡宗廟廢祭祀則水不潤下夫王者卽
 位必郊祀天地嚴配祖宗是故鬼神歆饗多獲福助
 自陛下光臨寶極綿歷炎涼郊廟遲留不得設薦山
 川寂寞未議懷柔暴水之災殆因此發臣又案水者
 陰類臣妾之道陰氣盛滿則水泉逆溢加之虹蜺紛
 錯暑雨滯淫雖丁厥時而洎恒度亦陰勝之沴也臣
 恐後庭近習或有離中饋之職干外朝之政伏願深
 思天變杜絕其萌又自春及夏牛多病死疫氣浸淫
 于今未息謹案五行傳曰思之不睿時則有牛禍意
 者萬機之事陛下或未躬親乎昔太戊有異木生於
 朝伊涉戒以修德厥妖用殄高宗有飛雉雉于鼎祖

已陳以政事殷道再興此皆視履考祥轉禍爲福之
明鑒也鼂錯曰五帝其臣不及則自親之今朝廷怪
異雖則多矣然皆仰知陛下天光大翔願勤思德容
少疑大化以萬方爲念不以聲色爲娛以百姓爲憂
不以犬馬爲樂暫勞宵旰用緝明良豈不休哉天下
幸甚臣聞三王之朝不能免淫亢太平之時不能無
小孽備禦之道存乎其人若細微之災恬而不怪及
禍變成象駭而圖之猶水決而繕防疾困而求藥雖
復僂俛亦何救哉夫災變應天實繫人事故日蝕修
德月蝕修刑若乃雨暘或愆則貌言爲咎雩祭之法
存乎禮典今暫逢霖雨卽閉坊門弃先聖之明訓遵
後來之淺術時偶中者安足神邪蓋當屏翳收津豐
隆散響之日也豈有一坊一市遂能感名星靈暫閉
暫開便欲發揮神道必不然矣何其謬哉至今巷議
街言共呼坊門爲宰相謂能節宣風雨變理陰陽夫
如是則赫赫師尹便爲虛設悠悠蒼生復何所望自
數年已來公私俱竭戶口減耗家無積新之儲國無
候荒之蓄陛下不出都邑近觀朝市則以爲率土之
人旣康且富及至踐閭陌視鄉亭百姓衣牛馬之衣
食犬彘之食十室而九空丁壯盡於邊塞孤嫠轉於

溝壑猛吏淫威奮其毒暴徵急政破其資馬困斯跌
人窮乃詐或起爲姦盜或競爲流亾從而刑之良可
悲也臣觀今之哻俗率多輕佻人貧而奢不息法設
而僞不止長吏貪冒選舉私謁樂多繁淫器尙浮巧
稼穡之人少商旅之人多誠願坦然更化以身先之
端本澄源滌瑕取蕩穢接凋殘之後宜緩其力役當久
弊之極宜法訓敦龐良牧樹風賢宰垂化十年之外
生聚方足三代之美庶幾可及臣聞太子者君之貳
國之本易有其卦天有其星今古相循率由茲道陛
下自登皇極未建元良非所以守器承祧養德贊業
離明不可輟耀震位不可久虛伏願早擇賢能以光
儲副上安社稷下慰黎元且姻戚之間謗議所集假
令漢帝無私於廣國元規切讓於中書天下之人安
可戶說稽疑成患馮寵生災所謂愛之適足以害之
至知武三思等誠能輟其機務授以清閒厚祿以富
其身蕃錫以獎其意家國俱泰豈不優乎夫爵賞者
君之重柄傳曰唯名與器不可假人自頃官賞頗亦
乖謬大勲未滿於人聽高秩已越於朝倫貪天之功
以爲己力祕書監鄭普思國子祭酒葉靜能或挾小
道以登金紫或因淺術以取銀黃旣虧國經實悖天

道書曰制治於未亂保邦於未危此誠理亂安危之時也伏願欽祖宗之丕烈傷王業之艱難遠佞人親有德乳保之愛妃主之家以時接見無令嫫媿凡此數者當今急務唯陛下留神採納永保康寧疏奏不省右僕射唐休璟以霖雨爲害咎在主司上表曰臣聞天運其工人代之而爲理神行其化爲政資之以和得其理則陰陽以調失其和則災沴斯作故舉才而授帝唯其難論道於邦官不必備頃自中夏及乎首秋郡國水災屢爲人害夫水陰氣也臣實主之臣忝職右樞致此陰沴不能調理其氣而乃曠居其官雖運屬堯年則無治水之用位侔殷相且闕濟川之功猶負明刑坐逃皇譴皇恩不棄其若天何昔漢家故事丞相以天災免職臣竊遇聖時豈敢醜顏居位乞解所任待罪私門冀移陰咎之徵復免夜行之責

二年四月辛丑洛水壞天津橋溺死數百人

舊書數千人

八月魏州水景龍三年七月澧水溢害稼九月密州水壞民居數百家開元三年河南河北水四年

六月桂陽

大雨山水暴溢漂五百家殺三百餘人七月丁酉洛水溢沈舟數百艘

五年六月甲申瀍水溢溺死者千餘人鞏縣大水舊書

紀在壞城邑損居民數百家人死者七十二汜水同

壬午餘戶河南水害稼八年夏契丹寇營州發關中卒援之

宿澠池之關門營穀水上夜半山水暴至萬舊書餘

人皆溺死唯行綱役夫樗蒲覺水至獲免逆六月庚

寅夜穀洛溢入西上陽宮宮人死者十七八畿內諸

縣田稼廬舍蕩盡掌閑衛兵溺死千餘人一千一百四十八人

京師興道坊一夕陷爲池居民五百餘家皆沒不見

是年鄧州三鴉口大水塞谷或見二小兒以水相沃

須臾有蛇大十圍張口仰天人或斫射之俄而暴雷

雨漂溺數千家

舊書數百家

十年五月辛酉伊水溢毀東

都城東南隅

毀都城南龍門天竺奉先寺

平地深六尺

入漕河水次屋舍樹

木蕩盡

河南許仙豫陳汝唐鄧等州大水害稼漂沒民

居溺死者甚衆六月

舊書紀八月丙申

博州棣州河決十二

年六月豫州大水八月兗州大水十四年秋

七月十四日灑

水暴漲流入洛漕漂沒諸州租船數百艘溺死者甚衆漂失揚壽光和廬杭瀛棣租米一十七萬二千八

百九十六石并錢絹雜物等因開斗門決堰引天下

水南入洛漕水燥竭以搜漉官物十收四五焉

州五十水河南河北尤甚

七月甲子懷衛鄭滑汴漢許等州澍雨

河及

支川皆溢懷衛鄭滑汴濮人或巢或舟以居死者千

計滄州大風海運船沒者十一二失潤州大風自東

北海濤沒瓜步十五年五月晉州大水七月鄧州大

水溺死數千人二十日洛水溢入郟城平地丈餘死者

無算二十日壤同州市及馮翊縣漂居民二千餘家

八月八日潤穀溢毀澠池縣壤百餘家及普門寺是秋天下州六

十三大水害稼及居人廬舍河北尤甚十七年八月

丙寅越州大水壤州縣城十八年六月壬午舊書乙丑新書

紀乙東都瀝水溺場楚等州租船壬午洛水壤天津永

濟二橋壤清渠斗門漂損提象門外助鋪及仗舍及民居千餘家十九年

秋河南水害稼二十年秋宋滑兗鄆等州大水二十

二年秋關輔河南州十餘水害稼二十七年三月澧

袁江等州水二十八年十月河南郡十三水二十九

年七月伊洛及支川皆溢害稼毀天津橋及東西漕

上陽宮仗舍溺死千餘人是秋河南河北郡二十四

水害稼天寶四載九月舊書紀八月河南淮陽睢陽譙四

郡水十載廣陵大風駕海潮沈江口船數千艘十三

載九月東都灑洛溢壤十九坊廣德舊書永泰紀同當從舊書元

年九月大雨水平地數尺時吐蕃寇京畿以水自潰

去二年舊書紀永泰二年五月東都大雨洛水溢漂二十餘

坊河南諸州水大厯元年七月洛水溢舊書紀自五月大雨至七月

月洛水溢同時一事此蓋以永泰誤作廣德故上文
之二年亦似廣德二年而此復書大厯蓋永泰二年
十一月改元大厯此之七月亦當作永泰二年秋湖
二年非特非兩年事卽洛水亦非兩溢也 二年秋湖
南及河東河南淮南浙東西福建等道州五十五水

災七年二月江州江溢十年七月

已未夜

杭州海溢

漂蕩

州郭五千餘家船千餘隻全家陷溺者百餘戶死者四百餘人蘇湖越等州亦然

十一年七

月戊子夜澍雨京師平地水尺餘溝渠漲溢壞民居

千餘家十二年秋京畿及宋毫滑三州大雨水害稼

河南尤甚平地深五尺河溢建中元年幽鎮魏博大

雨易水滹沱橫流自山而下轉石折樹水高丈餘苗

稼蕩盡貞元二年六月丁酉

舊書紀辛酉案六月無丁酉當從紀

大風

雨京城通衢水深數尺有溺死者

吏部侍郎崔縱自崇義里西門爲水

漂浮行數十步街鋪卒救之獲免

東都河南荆南淮南江河溢三年

三月

舊書紀五月

東都河南江陵汴揚等州大水四年八

月灞水暴溢殺百餘人八年秋自江淮及荆襄陳宋

至於河朔州四十餘大水害稼溺死二萬餘人漂沒

城郭廬舍幽州平地水深二丈徐鄭涿薊檀平等州

皆深丈餘

鄭涿薊檀平五州平地水深一丈五尺又徐州奏自五月二十五日雨至七月八日

止平地水深一丈二尺郭邑廬里屋宇田稼皆盡百姓皆登邱冢山原以避之

八年六月淮

水溢平地七尺沒泗州城十一年十月朗蜀二州江

溢十二年四月福建二州大水嵐州暴雨水深二丈

十三年七月淮水溢於亳州十八年春申光蔡等州大水永貞元年夏朗州之熊武五溪溢秋武陵龍陽二縣江水溢漂萬餘家京畿長安等九縣山水害稼元和元年夏荆南及壽幽徐等州大水二年六月蔡州大雨水平地深數尺四年十月丁未

舊書紀十月癸酉朔無丁

未渭南暴水漂民居二百餘家六年十月鄜坊黔中

水七年正月振武河溢毀東受降城五月饒撫虔吉信五州暴水虔州尤甚平地有深至四丈者八年五月陳州許州大雨大隗山摧水流出溺死者千餘人六月庚寅大風毀屋揚瓦人多壓死京師大水城南

深丈餘入明德門猶漸車輻辛卯渭水漲絕濟

毀三渭橋

南北絕濟者一月

時所在百川發溢多不由故道

辛丑出宮人二百車

人得娶納以水害誠陰盛也

滄州水潦侵鹽山等四縣九年秋淮

南及岳安宣江撫袁等州大水害稼十一年五月京

畿大雨水

害田四萬頃

昭應尤甚衢州山水害稼深三丈

毀州郭溺死百餘人六月密州大風雨海溢毀城郭

饒州浮梁樂平二縣暴雨水漂沒四千餘戶

溺死者一百七十人爲水漂流不知所在者四千七百戶

潤常湖陳許五州

各損田萬頃

及京

畿水害稼八月甲午渭水溢毀中橋十二年六月乙

酉京師大雨水含元殿一柱傾市中水深三尺毀民

居二千餘家河南河北大水洛邢尤甚平地二丈河
中江陵幽澤潞晉陞蘇台越州水害稼十三年六月
辛未淮水溢十五年秋洪吉信滄等州水長慶二年
七月河南陳許蔡等州大水好時山水漂民居三百
餘家

詔賑貸粟五萬石量人戶家口多少等第分給

處州大雨水平地深八

尺壞城邑桑田大半四年夏蘇湖二州大雨水太湖
決溢睦州及壽州之霍山山水暴出鄆曹濮三州雨
水壤州城民居田稼畧盡襄均復郢四州漢水溢決
秋河南及陳許二州水害稼寶祿元年秋鄜坊二州
暴水充海華三州及京畿奉天等六縣水害稼大和

三年夏京畿及陳滑三州水害稼河陽水平地五尺
河決壞棗州城越州大風海溢河南鄆曹濮淄青齊
德兗海等州並大水三年四月同官縣暴水漂沒三
百餘家宋亳徐等州大水害稼四年夏江水溢沒舒
州太湖宿松望江三縣民田數百戶鄆坊水漂三百
餘家浙西浙東宣歙江西鄆坊山南東道淮南京畿
河南江南荆襄鄂岳湖南大水皆害稼五年六月元
武江漲高二丈溢入棗州羅城淮西浙東浙西荆襄
岳鄂東川大水害稼六年二月蘇湖二州大水壞大堤水
入鄆鄆六月徐州大雨壞民居九百餘家七年秋浙

入鄆鄆

六月徐州大雨壞民居九百餘家七年秋浙

西及揚楚舒廬壽滁和宣等州大水害稼八年秋江

西及襄州水害稼蘄州湖水溢滁州大水溺萬餘戶

開成元年夏鳳翔麟遊縣暴雨水毀九成宮

及滋善寺佛舍

壞民舍數百家

壞屋三百間

死者百餘人

牛馬不知其數

七月鎮

州淳沱河溢害稼三年夏河決浸鄭滑外城陳許鄆

坊鄂曹濮襄魏博等州大水江漢漲溢壞房均荆襄

等州民居及田產殆盡蘇湖處等州水溢入城處州

平地八尺四年秋西川滄景淄青大雨水害稼及民

廬舍德州尤甚平地水深八尺五年七月鎮州及江

南水會昌元年七月江南大水漢水壞襄均等州民

居甚衆大中十二年八月魏博幽鎮兗鄆滑汴宋舒
壽和潤等州水害稼徐泗等州水深五丈漂沒數萬
家十三年夏大水咸通元年潁州大水四年閏六月
東都暴水自龍門毀定鼎長夏等門漂溺居人七月
東都許汝徐泗等州大水傷稼九月孝義山水深三
丈破武牢關金城門汜水橋六年六月東都大水漂
壞十二坊溺死者甚衆七年夏江淮大水秋河南大
水害稼十四年八月關東河南大水乾符三年關東
大水乾寧三年四月河圯於滑州朱全忠決其隄因
爲二河散漫千餘里光化三年九月

新書紀
七月浙江溢

壞民居甚衆

常寒顯慶四年二月壬子大雨雪方春少陽用事而寒

氣脅之古占以爲人君刑法暴濫之象近常寒也咸

亨元年十月癸酉大雪平地三尺人多凍死儀鳳三

年五月丙寅高宗在九成宮霖雨大寒兵衛有凍死

者開耀元年冬大寒久視元年三月大雪

長安四年自九月至

十月晝夜陰晦大雨雪都中人畜有餓凍死者令開倉賑恤神龍元年三月乙酉

睦州暴寒且冰開元二十九年九月丁卯大雨雪大

木偃折大厯四年六月伏日寒貞元元年正月戊戌

大風雪寒丙午又大風雪寒民饑多凍死者十二年

十二月大雪甚寒竹栢柿樹多死占曰有德遭險厥
災暴寒十九年三月大雪二十年二月庚戌始雷大
雨雹震電大雨雪既雷則不當雪陰脅陽也如魯隱
公之九年元和六年十二月大寒八年十月東都大
寒霜厚數寸

舊書紀
大雪

雀鼠多死十二年九月己丑雨

雪人有凍死者十五年八月己卯同州雨雪害稼長
慶元年二月海州海水冰南北二百里東望無際大
和六年正月雨雪踰月寒甚九年十二月京師苦寒
會昌三年春寒大雪江左尤甚民有凍死者咸通五
年冬陞石汾等州大雨雪平地深五尺景福二年二

月辛巳曹州大雪平地三尺天復三年三月浙西大
雪平地三尺餘其氣如煙其味苦十二月又大雪江
海冰天祐元年九月壬戌朔大風寒如仲冬是冬浙
東浙西大雪吳越地氣常燠而積雪近常寒也

鼓妖武德三年二月丁丑

舊書紀丁酉案二月無丁丑當從紀

京師西南

有聲如崩山近鼓妖也說者以爲人君不聰爲衆所
惑則有聲無形不知所從生天授元年九月檢校內
史宗秦客拜日無雲而雷震近鼓妖也貞元十三年
六月丙寅天晦街鼓不鳴中和二年十月西北方無
雲而雷天復三年十月甲午有大聲出於宣武節度

使廳事近鼓妖也

魚孽如意中濟源路敬淳家水碾柱將壞易之爲薪中有鮎魚長尺餘猶生近魚孽也開元四年安南都護府江中有大蛇首尾橫出兩岸經日而腐寸寸自斷數日江魚盡死蔽江而下十五五相附著江水臭

神龍中渭水有蝦蟆大如鼎里人聚觀數日而失是

歲大水

漂溺京城數百家商州水入城門襄陽水至尉抄肅宗時李揆將作相前一月有大蝦蟆

如牀見室中俄失所在占者以爲蟆天使也有福慶之事元和十四年二月晝有

魚長尺餘墜於鄆州市良久乃死魚失水而墜於市敗滅象也開成二年三月壬申有大魚長六丈自海

入淮至濠州招義民殺之近魚孽也乾符六年汜水
河魚逆流而上至垣曲平陸界魚民象逆流而上民
不從君令也光啟二年揚州雨魚占如元和十四年
蝗武德六年夏州蝗蝗之殘民若無功而祿者然皆貪
撓之所生先儒以爲人主失禮煩苛則旱魚螺變爲
蟲蝗故以屬魚孽貞觀二年六月京畿旱蝗太宗在
苑中掇蝗祝之曰人以穀爲命百姓有過在予一人
但當蝕我無害百姓將吞之侍臣懼帝致疾遽以爲
諫帝曰所冀移災朕躬何疾之避遂吞之是歲蝗不
爲災三年五月徐州蝗秋德戴廓等州蝗四年秋觀

兗遼等州蝗二十一年秋渠泉二州蝗永徽元年夔
絳雍同等州蝗永淳元年三月京畿蝗無麥苗六月
雍岐隴等州蝗長壽二年台建等州蝗開元三年七

月河南河北蝗四年夏山東蝗蝕稼聲如風雨

分遣御史

捕而埋之汴州刺史倪若水拒御史執奏曰蝗是天
災自宜修德劉聰時除既不得爲害滋深宰相姚崇
牒報之曰劉聰僞主德不勝妖今日聖朝妖不勝德
古之良守蝗蟲避境若言修德可免彼豈無德致然
今坐爲食苗忍而不救因此饑饉將何以安卒行埋
瘞之法獲蝗一十四萬石乃投之汴河流者不可勝
數朝議喧然上復以問崇崇對曰凡事有違經而合
道反道而適權者彼庸儒不足以知之縱除之不盡
猶勝養之以成災帝曰殺蟲太多有傷和氣公其思
之崇曰若救人殺蟲致禍臣所甘心八月四日敕河
南河北檢校捕蝗使狄光嗣康瓏敬昭道高昌賈彥
璿等宜令待蟲盡而刈禾將畢卽入京奏事諫議大

夫韓思復上言曰伏聞河北蝗蟲頃日益熾經歷之處苗稼都盡臣望陛下省咎責躬發使宣慰損不急之務去至冗之人上下同心君臣一德持此至誠以答休咎前後捕蝗使望並停之上出符疏付中書姚崇乃令思復往山東檢視二十五年貝州蝗有白鳥蟲災之所及還具以聞

數千萬羣飛食之一夕而盡禾稼不傷廣德二年秋蝗關輔尤甚米斗千錢興元元年秋螟蝗自山而東際於海晦天蔽野草木葉皆盡貞元元年夏蝗東自海西盡河隴羣飛蔽天旬日不息所至草木葉及畜毛靡有子遺餓殍枕道民蒸蝗曝颺去翅足而食之永貞元年秋陳州蝗元和元年夏鎮冀等州蝗長慶三年秋洪州螟蝗害稼八萬頃開成元年夏鎮州河

中蝗害稼二年六月魏博昭義淄青滄州兗海河南

蝗三年秋河南河北鎮定等州蝗草木葉皆盡

四年六月

天下旱蝗食田河南河北害稼都盡鎮定等州田稼既盡至於野草樹葉細枝亦盡

五年夏幽

魏博鄆曹濮滄齊德淄青兗海河陽淮南虢陳許汝

等州螟蝗害稼占曰國多邪人朝無忠臣居位食祿

如蟲與民爭食故比年蟲蝗會昌元年七月關東山

南鄧唐等州蝗大中八年七月劍南東川蝗咸通三

年六月淮南河南蝗六年八月東都同華陝虢等州

蝗七年夏東都同華陝虢及京畿蝗九年江淮關內

及東都蝗十年夏陝虢等州蝗不繼無德虐取於民

唐書卷五十二
之罰乾符二年蝗自東而西蔽天光啟元年秋蝗自
東方來羣飛蔽天二年荆襄蝗米斗錢三千人相食
淮南蝗自西來行而不飛浮水緣城入揚州府署竹
樹幢節一夕如翦幡幟畫像皆齧去其首撲不能止
旬日自相食盡

豕禍貞觀十七年六月司農寺豕生子一首八足自頸
分爲二貞元四年二月京師民家有豕生子兩首四
足

有司以白御史中丞竇參請上聞參寢而不奏

首多者上不一也是歲宣

州大雨震電有物墮地如豬手足各兩指執赤斑蛇
食之頃之雲合不復見近豕禍也元和八年四月長

安西市有豕生子三耳八足自尾分爲二足多者下不一也咸通七年徐州蕭縣民家豕出園舞又牡豕多將鄰里羣豕而行復自相噬齧乾符六年越州山陰民家有豕入室內壞器用銜案缶置於水次廣明元年絳州稷山縣民家豕生如人狀無眉目耳髮占爲邑有亂

雷電貞觀十一年四月甲子震乾元殿前槐樹震耀天之威怒以象殺戮槐古者三公所樹也證聖元年正月丁酉雷雷者陽聲出非其時臣竊君柄之象長安四年五月丁亥震雷大風拔木人有震死者延和元

年六月河南偃師縣李材村有震電入民家地震裂
澗丈餘長十五里深不可測所裂處并厠相通或衝
冢墓樞出平地無損李國姓也震雷威刑之象地陰
類也永泰元年二月甲子夜震霆自是無雷至六月

甲申乃雷大厯十年四月甲申

新書紀五月甲寅

雷電

舊書大雨

電

暴風拔木飄瓦人有震死者京畿害稼者七縣建

中元年九月巳卯雷四年四月丙子東都畿汝節度
使哥舒曜攻李希烈進軍至潁橋大雨震電人不能
言者十三四馬驢多死貞元十四年五月巳酉夏至
始雷元和十一年冬雷長慶

元年九月壬寅京師震電大風雨

二年

六月乙丑大風震電落太廟鴟尾破御史臺樹大和

八年三月

舊書七月
當從舊書

辛酉定陵臺大雨震廡下地裂

二十有六步

裂一百三十尺其深五尺詔
宗正卿李仍叔啟告修之

占曰土庶

分離大臣專恣不救大敗會昌三年五月甲午始雷

咸通四年

舊書懿宗紀無案僖宗紀咸通十四年十
二月雷震據此則四年上當有十字十

二月震雷乾符二年十二月震雷雨雹乾寧四年李

茂貞遣將符道昭攻成都至廣漢震雷有石隕於帳

前

霜貞觀元年秋霜殺稼京房易傳曰人君刑罰妄行則

天應之以隕霜三年

舊書紀
二年

北邊霜殺稼永徽二年

唐書卷五十三
卷之八
綏延等州霜殺稼調露元年八月邠涇寧慶原五州

霜證聖元年六月睦州隕霜殺草吳越地燠而盛夏

隕霜昔所未有四年

案紀證聖元年正月改元九月復改元天冊萬歲證聖無四年

且此後萬歲登封神功聖厯或當年卽改或二年而改亦無四年者此豈長安四年邪

四月延

州霜殺草四月純陽用事象人君當布惠於天下而

反隕霜是無陽也開元十二年八月潞綏等州霜殺

稼十五年天下州十七霜殺稼元和二年七月邠寧

等州霜殺稼九年三月丁卯隕霜殺桑十四年四月

淄青隕霜殺惡草及荆棘而不害嘉穀寶厯元年八

月邠州霜殺稼大和三年秋京畿奉先等八縣早霜

殺稼大中三年春隕霜殺桑中和元年春霜秋河東
早霜殺稼

雹貞觀四年秋丹延北永等州雹顯慶二年五月滄州
大雨雹中人有死者咸亨元年四月庚午雍州大雨
雹二年四月戊子大雨雹震電大風折木落則天門
鴟尾三先儒以爲雹者陰脅陽也又曰人君惡聞其
過抑賢用邪則雹與雨俱信讒殺無罪則雹下毀瓦
破車殺牛馬永淳元年五月壬寅定州大雨雹害麥
禾及桑天授二年六月庚戌許州大雨雹證聖元年
二月癸卯滑州大雨雹殺燕雀神功元年媯綏二州

電聖厯元年六月甲午曹州大雨電久視元年六月

丁亥曹州大雨電長安三年八月

舊書紀九月

京師大雨

電人畜有凍死者神龍元年四月壬子

舊書紀戊寅

雍州

同官縣大雨電殺鳥獸景龍元年四月己巳曹州大

雨電二年正月己卯

舊書紀丙申案元年十二月乙丑朔是月無己卯

滄州

雨電如雞卵開元八年十二月丁未滑州大雨電二

十二年五月戊辰京畿渭南等六縣大風電傷麥大

厯七年五月乙酉雨電貞元二年六月

新書紀八月

丙子

大雨電十七年二月丁酉雨電己亥霜戊申夜震霆

雨電

舊書大雨震雷且電

庚戌大雨雪而電

舊書作電

五月戊寅好

時縣風雹害麥十八年七月癸酉大雨雹元和元年
鄜坊等州雹十年秋鄜坊等州風雹害稼十二年夏
河南雨雹中人有死者十五年三月京畿興平醴泉
等縣雹傷麥長慶四年六月庚寅京師雨雹如彈丸
大和四年秋鄜坊等州雹五年夏京畿奉先渭南等
縣雨雹開成二年秋河南雹害稼四年七月鄭滑等
州風雹五年六月濮州雨雹如拳殺人三十六牛馬
甚衆會昌元年秋登州雨雹文登尤甚破瓦害稼四
年夏雨雹如彈丸乾符六年五月丁酉宣授宰臣豆
盧瑑崔沆制殿庭氛霧四塞及百官班賀於政事堂

雨雹如鳧卵大風雷雨拔木廣明元年四月甲申朔
汝州大雨風拔街衢樹十二三東都有雲起西北大
風隨之長夏門內表道古槐樹自拔者十五六宮殿
鴟尾皆落雨雹大如杯鳥獸殪於川澤

黑眚黑祥大麻二年十二月戊戌黑氣如塵彌漫於北
方黑氣陰沴也貞元四年七月自陝至河陰河水黑
流入汴至汴州城下一宿而復近黑祥也占曰法嚴
刑酷傷水性也五行變節陰陽相干氣色繆亂皆敗
亂之象十四年潤州有黑氣如隄自海門山橫亘江
中與北固山相峙又有白氣如虹自金山出與黑氣

交將旦而沒大和四年正月壬寅黑氣如帶東西際
天咸通十四年七月僖宗卽位是日黑氣如盤自天
屬含元殿庭

火沴水武德九年二月蒲州河清襄楷以爲河諸侯象
清陽明之效也貞觀十四年二月陝州泰州河清十
六年五月懷州河清十七年十二月鄭州滑州河清
二十三年四月靈州河清永徽元年正月濟州河清
二年十二月衛州河清五年六月濟州河清十六里
調露二年夏豐州河清長安初醴泉坊太平公主第
井水溢流又并州汾水縣猷水竭武氏井溢神龍二

年三月壬子洛陽城東七里地色如水樹木車馬歷
歷見影漸移至都月餘乃滅長安街中往往見水影
昔苻堅之將死也長安嘗有是景龍四年三月庚申

京師井水溢占曰君凶又曰兵將起開元二十二年

八月清夷軍黃帝祠古井湧浪二十五年五月淄州

棣州河清二十九年亳州老子祠九井澗復湧乾元

二年七月嵐州合河關河三十里舊書四清如井水

四日而變寶應元年九月甲午太州至陝州二百餘

里河清澄徹見底大厯二年醴泉
出櫟陽愈疾大厯末深州東鹿

縣中有水影長七八尺遙望見人馬往來如在水中

及至前則不見水建中四年五月乙巳滑州濮州河

清

興元元年先天太后墓槐樹上有靈泉漏出六月其上有雲氣五色又黃龍再現於泉上

貞元

十四年閏五月乙丑滑州河清二十一年夏越州鏡

湖竭是歲朗州熊武五溪水鬪占曰山崩川竭國必

亾又曰方伯力政厥異水鬪

寶曆二年亳州言出聖水愈病江淮已南遠來

奔湊求水浙西觀察使李德裕奏論其妖宰相裴度判汴州所申狀曰妖由人興水不自作牒汴州觀察使損塞開成二年夏旱揚州運河竭大中八年正月

訖申

陝州河清咸通八年七月泗州下邳雨湯殺鳥雀水

沸於火則可以傷物近火沴水也雨者自上而降鳥

雀民象中和三年秋汴水入於淮水鬪壞船數艘廣

明元年夏汝州峴陽峯龍池涸近川竭也

五行傳曰皇之不極是謂不建厥咎耗厥罰常陰厥極

弱時則有射妖時則有龍蛇之孽時則有馬禍時則有

下人伐上

舊書下
體代上

之病時則有日月亂行星辰逆行謂

木金火水土沴天也

常陰長安四年自九月霖雨陰晦至於神龍元年正月

凡陰一百五十餘日至神龍元年正月二十五日誅
二張孝和反正方晴霽先天二年四月陰至六月一

百餘日至七月三日誅竇
懷貞等一十七家方晴貞元二十一年秋連月陰

靈以憲宗為皇太
子制出日即晴

元和十五年正月庚辰至於丙申

晝常陰晦微雨雪夜則晴霽占曰晝霧夜晴臣志得

申咸通十四年七月靈州陰晦乾符六年秋多雲霧
晦冥自旦及禺中乃解光啟元年秋河東大雲霧明
年夏晝陰積六十日二年十一月淮南陰晦雨雪至
明年二月不解景福二年夏連四十餘日

霧長壽元年九月戊戌黃霧四塞霧者百邪之氣爲陰

冒陽本於地而應於天黃爲土土爲中宮神龍二年

三月乙己黃霧四塞景龍二年八月舊書九月案甲
八月無甲戊甲

戊黃霧昏濁不雨三年正月丁卯黃霧四塞十一月

甲寅日入後昏霧四塞經二日乃止占曰霧連日不
解其國昏亂開元五年正月戊辰昏霧四塞天寶十

四載冬三月常霧起昏暗十步外不見人是謂晝昏

占曰有破國至德二載四月賊將武令珣圍南陽白

霧四塞上元元年閏四月大霧占曰兵起

是月史思明再陷東

都京師米斗八百文人相食殍骸蔽地

貞元十年三月乙亥黃霧四塞

日無光咸通九年十一月龐勛圍徐州甲辰大霧昏

塞至於丙午光化四年冬昭宗在東內武德門內煙

霧四塞門外日色皎然

虹蜺武德初隋將堯君素守蒲州有白虹下城中唐隆

元年六月戊子虹蜺亘天蜺者斗之精占曰后妃陰

脅王者又曰五色迭至照於宮殿有兵延和元年六

月幽州都督孫佺帥兵襲奚將入賊境有白虹垂頭於
軍門占曰其下流血至德二載正月丙子南陽夜有白
虹四上亘百餘丈元和十三年十二月丙辰有白虹濶
五尺東西亘天會昌四年正月己酉西方有白虹咸通
元年七月己酉朔白虹橫亘西方九年七月戊戌白虹
橫亘西方光啟二年九月白虹見西方十月壬辰衆是月無
壬辰夜又如之天復三年三月朔日有曲虹在日東北

龍蛇孽貞觀八年七月隴右大蛇屢見蛇女子之祥大者
有所象也又汾州青龍見吐物在空中光明如火墮地
地陷掘之得元金廣尺長七寸顯慶二年五月庚寅有

五龍見於岐州之皇后泉先天二年六月京師朝堂
墀下有長蛇出長丈餘有大蝦蟆如盤面目赤如火
相與鬪俄而蛇入於大樹蝦蟆入於草蛇蝦蟆皆陰
類朝堂出非其所也

其年七月三日元宗誅
竇懷貞岑義等十七家

開元四

年六月郴州馬嶺山下有白蛇與黑蛇鬪白蛇長六七
尺吞黑蛇至腹口眼血流黑蛇長丈餘頭穿白蛇腹
出俱死天寶中洛陽有巨蛇高丈餘長百尺出苾山
下胡僧無畏見之曰此欲決水瀦洛城卽以天竺法
咒之數日蛇死十四載七月有二龍鬪於南陽城西
易坤上六龍戰於野文言曰陰疑於陽必戰至德元

載八月朔成都丈人廟有肉角蛇見二載三月有蛇
鬪於南陽門之外一蛇死一蛇上城建中二年夏趙
州寧晉縣沙河北有棠樹甚茂民祠之爲神有蛇數
百千自東西來趨北岸者聚棠樹下爲二積留南岸
者爲一積俄有徑寸龜三繞行積蛇盡死而後各登
其積野人以告蛇腹皆有瘡若矢所中刺史康日知
圖其事奉三龜來獻四年九月戊寅有龍見於汝州
城壕龍大人象其潛也淵其飛也天城壕失其所也
貞元末資州得龍丈餘西川節度使韋臯匣而獻之
百姓縱觀三日爲煙所薰而死

元和七年四月舒州
桐城縣有黃青白三

龍各一翼風雷自梅天陂起約高二百尺凡六里大
降於浮塘陂九年四月道州二青龍見於江中

和二年六月丁丑西北方有龍鬪

密州界產山北面有龍見初赤龍從

西來續有青龍黃龍從南來後有白龍黑龍
從山北來並形狀分明自申至戌方散去

三年成

都門外有龍與牛鬪開成元年宮中有衆蛇相與鬪

光化三年九月杭州有龍鬪於浙江水溢壞民廬舍

占同天寶十四載光啟二年冬鄜州洛交有蛇見於

縣署復見於州署蛇冬則蟄易曰龍蛇之蟄以存身也

馬禍義寧

案義寧上
當有隋字

二年五月戊申有馬生角長二寸末

有肉角者兵象武德三年十月王世充僞左僕射韋

霽馬生角當頂永隆二年監牧馬大死凡十八萬匹

馬者國之武備天去其備國將危亾文明初新豐有馬生駒二首同項各有口鼻生而死又咸陽牝馬生石大如升上微有綠毛皆馬禍也開元十二年五月太原獻異馬駒兩肋各十六肉尾無毛二十五年濮州有馬生駒肉角二十九年三月滑州刺史李邕獻馬肉鬣鱗臆嘶不類馬日行三百里建中四年五月滑州馬生角大和九年八月易定馬飲水因吐珠一以獻開成元年六月揚州民明齊家馬生角長一寸三分會昌元年四月桂州有馬生駒三足能隨羣於牧咸通三年郴州馬生角十一年沁州綿上及和州

牡馬生子皆死京房易傳曰方伯分威厥妖牡馬生子乾符二年河北馬生人中和元年九月長安馬生人京房易傳曰諸侯相伐厥妖馬生人一日人流亾二年二月蘇州嘉興馬生角光啟二年夏四月僖宗在鳳翔馬尾皆咤蓬如篲咤怒象文德元年李克用獻馬二肘膝皆有鬣長五寸許蹄大如七寸甌

人痢武德四年太原尼志覺死十日而蘇貞觀十九年衛州人劉道安頭生肉角隱見不常因以惑衆伏誅角兵象肉不可以觸者永徽六年淄州高苑民吳威妻嘉州民辛道護

舊書紀作讓

妻皆一產四男凡物反常

則爲妖亦陰氣盛則母道壯也顯慶二年普州有人
化爲虎虎猛噬而不仁儀鳳三年四月涇州獻二小
兒連心異體初鶉觚縣衛士胡萬年妻吳生一男一
女其胷相連餘各異體乃析之則皆死又產復然俱
男也遂育之至是四歲以獻於朝永隆元年長安獲
女魃長尺有二寸其狀怪異詩曰旱魃爲虐如暎如
焚是歲秋不雨至於明年正月永隆二年九月萬年
縣女子劉凝靜衣白衣從者數人升太史令廳問比
有何災異令執之以聞是夜彗星見太史司天文麻
候王者所以奉若天道恭授民時者非女子所當問

載初中涪州民范端化爲虎神功元年二月庚子有人走入端門又入則天門至通天宮關及仗衛不之覺時來俊臣婢產肉塊如二升器剖之有赤蟲須臾化爲蜂螫人而去久視二年正月成州有大人跡見長安中郴州佐史因病化爲虎欲食其嫂擒之乃人也雖未全化而虎毛生矣太極元年狂人段萬謙潛入承天門登太極殿升御牀自稱天子且言我李安國也人相我年三十二當爲天子開元二十三年四月冀州獻長人李家寵八尺有五寸大厯十年二月昭應婦人張產一男二女貞元八年正月

當從舊書紀作二月

丁亥許州人李狗兒持杖上含元殿擊欄檻伏誅十
年四月恒州有巨人跡見十五年正月戊申狂人劉
忠詣銀臺稱白起令上表天下有火災十七年十一
月翰林待詔戴少平死十有六日而蘇是歲宣州南

陵縣丞李疑死已殯三十日而蘇元和二年商州洪

舊書作紅崖冶役夫將化爲虎衆以水沃之不果化長慶

四年三月民徐忠信潛入浴室門四月十七日染坊

蘇元明於紫草車內藏兵仗入宮作亂二人對寶麻

二年十二月延州人賀文妻一產四男大和二年十

月舊書開成二年紀同當從舊書但志作十二月二

十月又

狂人劉德廣入含元殿

詔付京兆府杖殺之

咸通七年

渭州有人生角寸許占曰天下有兵十三年四月

新

紀十四年五月

太原晉陽民家有嬰兒兩頭異頸四手聯足

此天下不一之妖是歲民皇甫及年十四暴長七尺

餘長啜大嚼三倍如初歲餘死乾符六年秋蜀郡婦

人尹生子首如豕目在臍下占曰君失道光啟元年

涇州溫泉民家有死者既葬且半月行人聞聲呼地

下其家發之則復生歲餘乃死二年春鳳翔郿縣女

子未亂化爲丈夫旬日而死京房易傳曰茲謂陰昌

賊人爲王大順元年六月資州兵王全義妻如孕覺

物漸下入股至足大拇痛甚折而生珠如彈丸漸長

大如杯天祐二年五月潁州汝州民彭文妻一產三男

疫貞觀十年關內河東大疫十五年三月澤州疫十六

年夏穀涇徐戴號五州疫十七年夏澤濠廬三州疫

十八年廬濠巴普榔五州疫二十二年卿州大疫永徽

六年三月楚州大疫永淳元年冬大疫兩京死者相

枕於路占曰國將有恤則邪亂之氣先被於民故疫

景龍元年夏自京師至山東河北疫死者千數寶應

元年江東大疫死者過半貞元六年夏淮南浙西福

建道疫元和元年夏浙東大疫死者大半大和六年

春自劍南至浙西大疫開成五年夏福建台明四州
疫咸通十年宣歙兩浙疫大順二年春淮南疫死者
十三四

天鳴天寶十四載五月天鳴聲若雷占曰人君有憂貞
元二十一年八月天鳴在西北中和三年三月浙西
天鳴聲如轉磨

無雲而雨元和十二年正月乙酉星見而雨占曰無雲
而雨是謂天泣

隕石永徽四年八月己亥隕石於同州馮翊十八光耀
有聲如雷

上問于志寧曰此何祥也當由朕之有闕
對曰案春秋隕石於東都五內史遇曰是

陰陽之事非吉凶所生自古災變杳不可測但恐物
之自爾未必關於人事陛下發書誠懼責躬自省未
必不爲福矣近星隕而化也庶民惟星自上而隕民去其
上之象一曰人君爲詐妄所蔽則然

唐書卷第五十五

唐書卷第五十六

志二十二

地理

一從新書本分注舊書。○新書縣名已

入不復分注讀者可考而得也

自秦變古王制亡始郡縣天下下更漢晉分裂為南北

舊書序曰王者司牧黎元方制天下列井田而底賦貢分縣道以控華夷雖皇墳帝典之殊塗禹貢周官之異制其於建侯胙土頒瑞剖符外濇百蠻內親九牧古之元首咸有意焉然子弟受封周室竟貽於衰削郡縣為理秦人不免於敗亡蓋德業有淺深制置無工拙殷周未為得秦漢未為非撫實而言在哲后守成而已謹詳前代隆平之時校今日耗登之數存諸戶籍以志休期昔秦并天下裂地為四十九郡郡置守尉以御史監之其地西臨洮而北沙漠東縈南帶皆際海濱漢興以秦郡稍大析置郡國武帝斥越攘胡土宇彌廣哀平之季凡郡國百有三縣千三百一十四道三十二侯國二百四十一而諸郡置十三部刺史分統之漢地東西九千

三百二里南北一萬二千三百六十八里後漢郡國百有五縣道侯國千一百八十六亦如西京之制置十三州刺史以充郡守其地廣袤亦如前制曹魏之時三分鼎峙淮漢之間鞠爲闕壤洎太康混一尋陷胡戎南北分爭何暇疆理三百年間廢置不一至隋滅陳天下始合爲一大業乃改

州爲郡依漢制置太守以司隸刺史相統治爲郡一百

九十縣一千二百五十五戶八百九十萬七千五百三

十六口四千六百一萬九千九百五十六其地東西九

千三百里南北一萬四千八百一十五里東南皆至海西

至且未北至五原唐興高祖改郡爲州太守爲刺史其緣

邊鎮守及襟帶之地又置都督府以治之武德七年改

置總管府以統軍戎然天下初定權置州郡頗多太宗元年始命併省又

府督

因山川形便分天下爲十道一曰關內二曰河南三曰

河東四曰河北五曰山南六曰隴右七曰淮南八曰江

南九曰劍南十曰嶺南至十三年定簿凡州府三百五

十八縣一千五百五十一明年平高昌又增州二縣六

其後北殄突厥頡利西平高昌北踰陰山西抵大漠其

地東極海西至焉耆南盡林州南境北接薛延陀界東

西九千五百一十一里南北一萬六千九百一十八里

高宗時平高麗百濟遼海已東皆爲州俄而復叛不入提封

景雲二年分天下郡縣

置二十四都督府以統之旣而以其權重不便罷之開

元二十一年又因十道分山南江南爲東西道增置黔

中道及京畿都畿置十五採訪使檢察如漢刺史之職
天寶盜起中國用兵而河西隴右不守陷於吐蕃至大
中咸通始復隴右乾符以後天下大亂至於唐亡然舉
唐之盛時開元天寶之際東至安東西至安西南至日

南北至單于府蓋南北如漢之盛東不及而西過之地

漢東至樂浪元菟今高麗渤海是也今在遼東非唐土也漢境西至檉煌郡今沙州是唐土又龜茲是西過漢之

盛也開元二十八年戶部帳凡郡府三百二十有八縣千

五百七十三

羈縻州郡不在此數

戶八百四十一萬二千八百七

十一口四千八百一十四萬三千六百九應受田一千

四百四十萬三千八百六十二頃

永泰之後河朔隴西淪於寇盜元和嘗計

之臣嘗爲版簿二方考隋唐地理之廣狹戶口盈耗與不進戶口莫可詳知其州縣廢置其盛衰治亂興亡可以見矣蓋自古爲天下者務廣德而不務廣地德不足矣地雖廣莫能守也嗚呼盛極必衰雖曰勢使之然而殆忽驕滿常因盛大可不戒哉

關內道蓋古雍州之域漢三輔北地安定上郡及宏農隴西五原西河雲中之境京兆華同鳳翔邠隴涇原渭武寧慶鄜坊丹延靈威雄會鹽綏宥爲鶉首分麟豐勝銀夏單于安北爲實沈分商爲鶉火分爲府二都護府二州二十七縣百三十五其名山大白九巖吳岐梁華

其大川涇渭灞滻厥賦絹綿布麻

原注京兆同華岐調綿餘州布麻開元二

十五年以關輔寡蠶詔納米粟其河

南河北非通漕州皆調絹以便關中厥貢毛羽革角布

席弓刀上都初曰京城

秦之咸陽漢之長安也隋開皇二年自漢長安故城東南移二

十里置新都今京師是也城東西十八里一百五十步南北十五里一百七十五步有東西兩市都內南北十

四街東西十一街街分一百八坊坊之廣長皆三百餘

步皇城之南大街曰朱雀之街東五十四坊萬年縣領

之西五十四坊長安縣領之京兆尹總其事天寶元年曰西京至德二載曰

中京上元二年復曰西京肅宗元年曰上都

皇城長千九百一十五步廣千二百步宮城在北長千

四百四十步廣九百六十步周四千八百六十步其崇

三丈有半龍朔後皇帝常居大明宮乃謂之西內神龍

元年曰太極宮

正門曰承天正殿曰太極太極之後殿曰兩儀內別殿亭觀三十五所

大

明宮在禁苑東南西接宮城之東北隅長千八百步廣

千八十步曰東內本永安宮貞觀八年置九年曰大明

宮以備太上皇清暑百官獻貲以助役高宗以風痺厭

西內湫濕龍朔二年始大興葺曰蓬萊宮咸亨元年曰

含元宮長安元年復曰大明宮

正門曰升殿正殿曰含元含元之後曰宣政宣

政左右有中書門下二省宏文史二館高宗已後天子常居東內別殿亭觀三十餘所

興慶宮在

皇城東南距京城之東開元初置至十四年又增廣之

謂之南內

南內曰興慶宮在東內之南隆慶坊本元宗在藩時宅也

二十年築夾城

入芙蓉園

夾城復道經通化門達南內人主往來兩宮人莫知之宮之西南隅有華萼相輝勤政務本之

樓 京城前直于午谷後枕龍首山左臨灊岸右抵澧水

其長六千六百六十五步廣五千五百七十五步周二

萬四千一百二十步其崇丈有八尺

禁苑在皇城之北苑城東西二十七

里南北三十里東至澧水西連故長安城南連京城北枕澧水苑內離宮亭觀二十四所漢長安故城東西十

三里亦隸入苑中苑置西

南監及總監以掌種植

京兆府京兆郡本雍州開元元年爲府

隋京兆郡領大興長安新豐渭

南鄭華陰藍田鄠藍屋始平武功上宜禮泉涇陽雲陽

三原宜君同官華原富平萬年高陵二十二縣武德元

年改爲雍州天授元年改雍州爲京兆郡其年復舊景

龍三年以鄠州之永壽商州之安業二縣來屬景雲元

年復以永壽屬鄠州安業隸商州開元元年改雍州爲

京兆府復隋舊名四年改同州蒲城縣爲奉先縣仍隸

京兆府天寶七載置貞符縣十一載廢

賦貢水土稻麥

府理京城之光德坊去東京八百里

楚紫稗粟隔紗粲席鞞氈蠟酸棗仁地骨皮櫻桃藕粉

天寶元年領戶三十六萬二千九百二十一口百九十

六萬一百八十八舊領戶二十萬七千六百五十領縣

二十舊領縣二十八天有府百三十一曰真化匡道水衡

仲山新城寶泉善信鳳神安業平香太清餘皆逸

萬年

赤本大典武德元年更名二年析置芷陽縣七年省總章

長安

二年省總章天寶七年載曰咸寧至德三載復故名有南望春宮臨澇水西岸有北望春宮宮東有廣

運潭福陵在東二十五里長安赤總章乾封縣治懷直坊長

里敬陵在東南四十里長安置乾封縣治懷直坊長

安二年省總章有大安宮本宏義後更名南五十里

太和谷有太和宮武德八年置貞觀十年廢二十一

年復置曰翠微宮籠山為苑元和中以爲翠微寺有

子午關天寶二年尹韓朝宗引渭水入金光門置潭

于西市以貯材木大厓元年尹黎幹自南咸陽德元
山開漕渠抵景風延喜門入苑以漕炭薪咸陽德元
年二善錯析涇陽始平置初治鮑橋其年移治杜郵天
授二年則天以其母順陵在其界升爲赤神龍三年中
有望賢宮有便橋有典興平畿本始平景龍三年中
寧陵順陵在咸陽原與宗送金城公主降吐蕃
至此改曰金城至德二載更雲陽赤武德元年析置
名西十八里有隋仙林宮雲陽石門縣三年以石
門溫秀置泉州貞觀元年州廢省溫秀更石門曰雲
陽雲陽曰池陽八年省雲陽更池陽曰雲陽天授二
年以雲陽涇陽醴泉三原置鼎州大足元年州廢有
堯山甘泉山凡禁樵採者著於志有古鄭白渠崇陵
在北十五里嵯峨山涇陽畿三原次赤武德四年移
貞陵在西北四十里涇陽三原治清父南故任城
曰池陽六年又移故所曰華池析置三原隸泉州貞
觀元年省復華池曰三原永康陵在北十八里獻陵
在東十八里莊陵在西渭南畿武德元年隸華州五
北五里端陵在東十里渭南還隸雍州天授二年
析渭南慶山置鴻門縣以渭南慶山鴻門高陵棧陽
置鴻州尋省鴻門大足元年州廢西十里有遊龍宮

開元二十五年置東昭應次赤本新豐治古新豐城

元年復故名有宮在驪山下貞觀十八年置咸亨二

縣去宮遠折新豐萬年置會昌縣六載更溫泉曰華

清宮治湯井爲池環山列宮室又築羅城置百司及

十宅七載省新豐更會昌縣及山曰昭應治溫泉宮

之西北東三十五里有慶山垂拱二年湧出有清虛

源本鳳皇有幽棲谷本鸚鵡中宗以韋嗣立所居更名

有旌儒鄉有廟故坑儒元宗更名齊陵在東十六里

高陵織武德元年置精析置鹿苑縣貞觀元年省西十

修真觀有古白渠寶祿元年令劉仁師同官畿有女富

請更水道渠成名曰劉公堰曰彭城同官迴山富

平次赤有荆山有鹽池澤定陵在西北十五里龍泉山

金山章陵在西北二十里藍田畿武德二年析置白鹿縣

里簡陵在西北四十里藍田三年更曰寧民又析藍田

置玉山縣貞觀三年諸書皆省有覆車山有藍田關故曉

關有庫谷有關武德六年寧民令顏昶引南山水入京

城永淳元年作萬鄂畿有漢陂東南三十里有隋甘泉
 全宮宏道元年廢鄂平宮西南二十里有隋甘泉
 宮奉天次赤文明元年析醴泉始平好時武功幽州
 在東北十里乾寧二年以縣置乾州及覃王好時畿
 出鎮又以畿內之好時武功置乾州及覃王好時
 上宜武德二年析醴泉置好時貞觀八年廢上宜入
 岐陽二十一年省好時岐陽復置上宜更上宜曰好
 時有大武功之郿鳳泉置稷州因后稷封郿為名又
 橫關平置扶風縣四年以岐州之圍川隸之七年以
 析始平置扶風縣四年以岐州之圍川隸之七年以
 郿隸岐州貞觀元年州廢省扶風以圍川隸鳳泉隸岐
 州蓋屋好時置稷州大足元年州廢有太一山高十八
 蓋屋好時置稷州大足元年州廢有太一山高十八
 里有慶善宮臨渭水武德元年高祖以太一山高十八
 第置官後廢為慈德寺西原殤帝所葬舊醴泉次赤
 夷縣後廢武德元年析置溫秀縣二年分始平置醴
 泉縣後省醴泉貞觀十年營昭陵析雲陽成陽復置
 有芳山有九嶼山昭陵在西北六十里九嶼華原
 山建陵在東北十八里武將山一名馮山義

寧二年以華原宜君同官置宜君郡并置土門縣以
隸之武德元年曰宜州貞觀十七年州廢省宜君
門以華原同官隸雍州垂拱二年更華原曰永安天
授二年復以永安同官富平美原置宜州大足元年
州廢有永安宮長安二年置神龍元年復永安曰華
原有蒲萄園宮天祐三年李茂貞墨制以縣置耀州
美原畿咸亨二年析富平華原及同州之蒲城以故
土門縣置天祐二年李茂貞墨制以縣置鼎州

華州華陰郡上輔義寧元年析京兆郡之鄭華陰置華

山郡因後魏郡名武德元年改爲華州割垂拱二年遊

雍州之渭南來屬五年改渭南還雍州

武氏諱曰太州神龍元年復故名天寶元年改爲華陰
郡乾元元年復爲華

州上元二年舊書元年又更名太州華山爲寶應元年

復故名乾寧四年曰興德府縣次畿赤光化三年復爲

州在京師東一百八十里土貢鶴鳥鶻伏苓伏神細辛

去東都六百七十里

戶三萬三千一百八十七口二十二舊書萬三千六百

一十三

舊領戶一萬八千八百二十三口八萬八千八百三十

縣四

舊領縣二天寶領縣三

有府二十曰普樂豐源義全清義萬福修仁神水常興
義津定城延壽羅文鄭邑宣義相原孝德溫湯宣化懷

德懷仁有鎮國軍肅宗上元元年置

鄭

望有少華山東北三里有神臺宮本隋普德宮咸亨二年更名西南二十三里有利俗渠引喬谷水

東南十五里有羅文渠引小敷谷水支分溉田皆開元四年詔陝州刺史姜師度疏故渠又立隄以捍水

害

華陰

望垂拱元年舊禧更名仙掌天授二年析置潼津縣在關口後隸虢州聖曆二年來屬長

安中省神龍元年復曰華陰上元二年禮籍曰太陰

華山曰太山寶應元年復故名有岳祠有潼關有渭

津關有漕渠自苑西引渭水因石渠會灃漑經廣運

潭至縣入渭天寶三載韋堅開又有永豐倉有臨渭

倉西十八里有瓊岳宮故隋華陰宮顯慶三年更名東十二里有隋金城宮武德三年廢顯慶三年復置

西二十四里有敷水渠開元二年姜師度鑿以洩水害五年刺史樊忱復鑿之使通渭漕下邽本

隸同州垂拱元年來屬東南二十里有金櫟陽本畿

氏二陂武德二年引白渠灌之以置監屯棧陽故萬

年隸雍州武德元年更名又析置平陵縣二年更平

陵曰粟邑貞觀八年省有煮鹽澤天祐二年來屬

同州馬翊郡上輔原注武德元年更諸郡爲州其沒於

爲郡乾元元年復以郡爲州凡州郡縣無所更置者皆

承隋舊○舊書隋馮翊郡武德元年改爲同州領馮翊

下邽蒲城朝邑澄城白水郃陽韓城八縣垂拱元年割

下邽屬華州天寶元年改爲馮翊郡乾元元年復爲同

州土貢鞞鞞二物皺紋吉莫麝芑茨龍莎凝水石在東京

北二百五十五里戶六萬九百二十八口四十萬八千

至東都六百二里戶五萬三千三百一十縣八舊領縣九天

七百五舊領戶五萬三千三百一十縣八舊領縣六

有府二十六日濟北唐安秦城太州大亭河東興德連
邑伏龍温湯安遠業善南鄉臨高漢陽襄城崇道浙谷
吉安長春華池永大洪泉善福司禦效誠

馮翊

望武德元年析置臨沮縣貞觀元年省有沙苑南三十二里有興德宮在志武里高祖將趨長

安所

朝邑

望有長春宮武德三年析置河濱縣貞觀元年省北四里有通靈陂開元七年刺史

姜師度

引洛堰河以溉田四百餘頃乾元三年日河

西隸河

中府大厯三年復日朝邑還隸同州有河濱

祠西海

祠

韓城上武德八年徙置西韓州貞觀八年

小池有鹽

韓城

州廢以韓城河西郃陽來屬天祐二

年更名

韓原有鐵有梁山有龍門山有關武德

七年治

中雲得臣自龍門引河溉田六千餘頃郃陽

望有陽

班湫

貞元夏陽本河西武德三年析郃陽置

四年堰

湫谷

水成夏陽七年又以河西郃陽韓城置

西韓州

乾元三年更河西白水望澄城望武德三年

日夏陽

隸河中後復來屬白水澄城析置長寧縣

貞觀八年省

奉先

本大赤故蒲城開元四年更名隸京兆府十七年置官員同赤縣橋陵在西北三

十里豐山泰陵在東北二十里金粟山景陵在西北二十里金熾山光陵在北十五里堯山惠陵在西北

十里有鹵池二大中二年其一生鹽天祐三年來屬

商州

舊書屬山南西道

上洛郡望

隋上洛郡武德元年改爲商州天寶元年改爲上洛郡乾

元元年復爲商州

土貢麝香弓材有洛源監錢官貞元七年刺

史李西華自藍田至內鄉開新道七百餘里迴山取塗

人不病涉謂之偏路行旅便之

至京師二百八十一里至東都八百八十六里

戶八千九百二十六口五萬三千八百八十

舊領戶四千九百一

千五百

縣六

舊領縣五

有府二曰洵水玉京有興平軍初在郿

縣東原至德中徙

上洛

緊漢縣屬宏農郡言在洛水之上故豐陽商縣

地晉分商縣置豐陽以川為名舊洛南地晉分置拒

陽縣隋改拒陽為洛南舊治拒陽川商洛望漢商縣

顯慶三年移治清州有金有銅有鐵梁置南洛州後魏

隋文加洛字上津改為上州隋廢州為上津縣義寧

二年以上津豐利黃土置上津郡并置長利縣武德

元年曰上州貞觀元年省長利八年州廢以黃土隸

金州豐利隸均乾元中下本安業萬歲通天元年析

州上津來屬乾元元年更豐陽置景龍三年隸雍州景雲

元年來屬乾元元年更名隸京兆尋復還屬

鳳翔府扶風郡赤上輔本岐州

隋扶風郡武德元年改為岐州領雍陳倉郿號

岐山鳳泉等六縣天至德元載更郡曰鳳翔二載復郡

寶元年改為扶風郡肅宗自順化郡幸扶風郡置天興縣

故名號西京為府

改雍縣為鳳翔縣並治郭下初以陳

倉爲鳳翔縣乃改爲寶雞縣其年十月克復兩京十二月制鳳翔府號爲西京與成都京兆河南太原爲五京上元二年罷京元年曰西都未幾復罷都土貢榛實龍

鬚席蠟燭

在京師西三百一十五里去東都一千一百七十里

戶五萬八千四百

八十六口三十八萬四百六十三

舊領戶二萬七千二百八十二口十萬八

千三百

縣九

舊領縣八有府十三曰岐山雍北道清洛邑留

谷岐陽文城邽邑三交鳳泉望苑邵吉山泉

天興

次赤本雍至德二載曰鳳翔仍析置天興縣寶應元年省鳳翔入天興

岐山

次畿武德

元年移治張堡七年移治龍尾城貞觀八年移治豬驛南卽今治所是仍省虢縣併入貞觀七年析扶風

岐山及京兆之上宜置岐陽縣八年省上宜入岐陽二十一年廢未徵五年復置元和三年省有岐山○

案上宜入岐陽新書志作岐山誤

扶風

次畿本漳川武德三年析岐山置以漳水名之俗訛改爲

園四年以園川隸稷州貞觀麟遊次畿義寧元年置

元年稷州廢來屬八年更名麟遊以麟遊及京兆之

上宜扶風郡之普潤置鳳棲郡二年以仁壽宮中獲

白麟更郡曰麟遊又以安定郡之鴻臚并析置靈臺

縣隸之武德元年曰麟州貞觀元年州廢省靈臺入

麟遊以麟遊普潤來屬上宜還隸雍州鴉狐還隸涇

州西五里有九成宮本隋仁壽宮義寧元年廢貞觀

五年復置更名永徽二年曰萬年宮乾封二年復曰

九成宮周垣千八百步并置禁苑及府庫官普潤次

寺等又西三十里有永安宮貞觀八年置寶雞次隴右軍貞元十年置十一年以縣隸寶雞陳倉至

德二載更名東有渠引渭水入并原渠通長安號次故城咸通三年開西南有大散關有寶雞山貞觀八年省入岐山天授二年復置東北十里有高泉渠如意元年開引水入縣城又西北有昇原渠引汧水至咸陽垂拱初郿析置鳳泉縣武德元年曰郿州又以鳳泉來屬三年州廢以郿隸稷州七年來屬貞觀八年省鳳泉大麻五年權隸京兆有太白山有

鳳泉 熬屋 本畿隸雍州武德二年析置終南縣貞觀八年省天寶元年更名宜壽至德二載復

湯故名乾寧中隸乾州天復元年來屬有駱谷關武德七年置有司竹園東南三十二里有隋宜壽宮有樓

觀老子祠

邠州新平郡緊

舊書上

義寧二年析北地郡之新平三水

置 武德元年改爲幽州

邠故作幽開元十三年以字類幽改

天寶元年

改爲新平郡乾元元年復爲邠州

土貢剪刀火筋葦豆澡豆白蜜地膽

在京師西北四百九十三里至東都一千一百三十二里

戶二萬二千九百七十七

口十二 舊書

萬五千二百五十

舊領戶一萬五千五百三十四口六萬四千八百

十九縣四有府十曰嘉陽宜祿公劉良杜胡陵蟠川萬

敵金池舜城宜山

新平

望有永定壘二

三水

緊有石門山北二十里有萬壽林大厓八年因風雷

而永壽

上武德二年析新平置神龍三年隸雍州唐隆元年來屬

宜祿

中貞觀二年析新平

及涇州之保定靈臺置有淺水原有長武城

右京畿採訪使治京城內

隴州汧陽郡上本隴東郡義寧二年析扶風郡之汧源

汧陽南由安定郡之華亭置

領汧源汧陽南由吳山華亭五縣武德元年改爲隴

州天寶元年更郡曰汧陽

乾元元年復爲隴州

土貢榛實龍鬚席

在京師西四百九十六里至東都一千三百二十五里

戶二萬四千六百五十二

口十萬一百四十八

舊領戶四千五百七十

縣三

有府四曰大堆龍盤開川臨汧

汧源

上垂拱二年更華亭曰華川神龍元年復故名

震關大和三年省入汧源西有安戎關在隴山本大

堰引隴水通漢自武德八年水部郎中姜行本開後

廢華亭有義寧軍大厯八年置貞

元十三年築永信城于平戎川

吳山 中本長蛇義寧二年置貞觀元年更名治槐衙

吳山武德元年以南由縣置含州四年州廢元和三

年省入焉有西鎮吳山祠有紫超山西有安夷關

涇州保定郡上本安定郡 隋安定郡武德元年平薛仁

果改名涇州天寶元年復為

安定 至德元載更名乾元元年 土貢龍鬚席 在京師西

郡 十三里至東都一 戶三萬一千三百六十五口十八萬

千三百八十七里 舊領戶八千七百七十三 縣五有府

六千八百四十九 口三萬五千九百二十一

六日涇陽四門興教純德肅清仁賢

保定

上本安定至德元年載更名廣德元年折撫故城靈臺上本

天寶元年

臨涇

中良原

上興元二年沒吐蕃貞元四年復置

潘原

中本陰盤天寶

元年更名界有潘原廢縣後省

原州平涼郡中都督府望

隋平涼郡武德元年平薛仁果置原州貞觀五年置都督

府管原慶會銀亭達要七州十年省亭達要三州唯督四州天寶元年改爲平涼郡乾元元年復爲原州廣

德元年沒吐蕃節度使馬璘表置行原州於靈臺之百

里城貞元十九年徙治平涼元和三年又徙治臨涇大

中三年收復關隴歸治平高廣明後復沒吐蕃又僑治

臨涇土貢羶覆鞍羶龍鬚席

在京師西北八百里至東都一千六百四十五里

戶七千三百四十九口三萬三千一百四十六

舊領戶二千四

百四十三口一縣二舊領縣三天寶領縣四有府二曰
萬五百一十二平高平涼百泉蕭關

彭陽安善

平高

望有崆峒山西南有木峽關州境又有石門驛藏制勝石峽木增等關并木峽六盤爲七關又

南有瓦亭故關百泉上

渭州

舊書無

元和四年以原州之平涼縣置行渭州廣明

元年爲吐蕃所破中和四年涇原節度使張鈞表置凡
乾元後所置州皆無郡名及其季世所置州縣又不列

上中下之第縣一

平涼

上治陽音川開元五年移治古塞城廣德元年沒吐蕃貞元四年復置及爲行渭州其民皆州

自領之西南隴山有六盤關有銀有銅有鐵西北五里有吐蕃會盟壇貞元三年築

武州中

舊書無

大中五年以原州之蕭關置中和四年僑

治潘原縣一

蕭關

中貞觀六年以突厥降戶置銀州治平高之他樓城高宗置他樓縣隸原州神龍元年省置蕭

關縣白草軍在蔚茹水之西至德後沒吐蕃

寧州彭原郡望

舊書上

本北地郡

魏寧元年領定安羅川襄樂彭原新平三水六

縣二年以新平三水屬新平郡武德元年改爲寧州貞觀元年置都督府四年罷都督府

天寶元年

更名

乾元元年復爲寧州

土貢五色覆鞍擅龍鬚席芫青亭長菴

商假蘇

在京師西北四百四十六里至東都一千三百二十四里

戶三萬七千一百

二十一口二十二萬四千八百三十七

舊領戶一萬五千四百九十一

口六萬六千五百三十五

縣五

舊領縣七天有府十一曰彭池高望

舊領縣六

靜難麟寶天固蒲川東原三會大延和泉永寧

定安

望義寧二年析置歸義縣貞觀十七年省入定平有定安故關

真寧

緊本羅川有要冊湫

天寶元年獲玉真人

襄樂

彭原

緊武德元年以縣置彭州二年析置

豐義縣貞觀元年州廢以彭原豐義來屬開元八年以豐義隸涇州尋復還屬唐末省

定平

武上

德二年析定安置後隸邠州元和三年復來屬四年隸左神策軍有高塘城唐末以縣置衍州

慶州順化郡中都督府本宏化郡

隋宏化郡武德元年改爲慶州領合水樂

蟠三泉馬嶺宏化五縣六年置總管府七年改總管爲

都督府貞觀元年廢都督府四年復置都督府五年又

罷都督府隸原州都督府開元四年復

置都督府二十六年升爲中都督府

化至德元載更名

乾元元年復爲慶州

土貢胡女布牛酥麝蠟

在京

師西北五百七十三里至戶二萬三千九百四十九口

十二萬四千二百三十六舊領戶七千九百一十九縣十

舊領有府八曰龍息交水同川永清蟠交永業樂蟠永

安

順化中本宏化治宏州故城武德六年移治今所與合川縣俱在州治天寶

元載合水中本合川武德元年更名合水川是本年又析置蟠交縣貞觀元年省合川

入宏化天寶元年更蟠交曰合水樂蟠中義寧元年馬嶺中治天家

年移理新城以華池下隋舊縣大業十三年為胡賊縣西有馬嶺坂所破縣廢武德四年置以縣置

林州總管府管永州其林州領華池一縣五年改永

州為北永州七年罷林州總管府貞觀元年州廢

同川中下本三泉義寧二年廢北永州析彭原郡之彭源置治三泉故城武德三年復治同川城更

名洛源

中隋縣大業十三年為胡賊所破因廢貞觀三年置四年隸北永州五年徙州來治八年

州廢
來屬
延慶
中本白馬武德六年徙故豐州
方渠
中下

三年析懷安
民析合水置天寶元年更名
逃戶連党項蕃落置

鄜州洛交郡上本上郡
武德元年改爲鄜州領洛交洛

年以內部鄜城隸坊州貞觀二年置都督府
天寶元年

更名
乾元元年復爲鄜州
土貢龍鬚席
在京師東北五百里至戶

二萬三千四百八十四口十五萬三千七百一十四
舊

戶一千七百三十五
縣五有府十一曰洛昌龍交葦川

五交大同安光洛安銀方杏林修武安吉有肅戎軍大

麻六年置在鄜城

洛交
緊
洛川
上
三川
中華池水黑
直羅
中武德三年

因古直羅城置羅水甘泉中本伏陸武德元年析過城下地平直故名天寶元年更名

坊州中部郡上武德二年析鄜州之中部鄜城置天寶元年

改爲中部郡乾元土貢龍鬚席泉弦麻在京師東北三元年復爲坊州百四十七里至

東都九百里戶二萬二千四百五十八口十二萬二百八

四十八里舊領戶七千五百七十一縣四舊領有府五日杏城仁里

一萬一千六百七十一

思臣永安臺

中部上本內部武德二年更名周天和中元皇帝爲

水東北七里有上善泉開成二年刺史張怡架水入

城以紆遠汲四年刺史崔駢復增修之民獲其利後

立祠爲宜君觀上本隸宜州有仁智宮武德七年置貞

華宮復置縣隸雍州宮在北四里鳳皇谷永徽二年

廢宮爲玉華寺縣又省龍朔三年析中部同官復置

來屬理古役桐城北有鐵昇平上天寶十二載析宜君郿城上唐

縣置

丹州咸寧郡上

舊書

本丹陽郡義寧元年析延安郡之

義川汾川咸寧縣置

武德元年改爲丹州領義川汾川咸寧雲巖門山五縣三年於州置

總管府管北連北廣二州貞觀元年罷都督府

天寶元年更名

乾元元年復爲丹州土貢

龍鬚席麝蠟燭

在京師東北六百一十一里至東都九百二十里

戶萬五千一

百五口八萬七千六百二十五

舊領戶三千一百九十四口一萬七千二十

縣四

舊領

有府五曰宜城通天同化丹陽長松

義川上

雲巖

中武德元年析義川置理週

汾川上置

堡開元二十二年移

咸寧

中治白水川景龍二年移治長松川

於今所有烏仁關

延州延安郡中都督府

隋延安郡武德元年改爲延州總管府領府施豐林延川三縣

管南平北武東夏三州四年又管丹廣達三州貞觀元年罷都督府開元二年復置都督府領丹綏渾等州天

寶元年改爲延安郡土貢樺皮麝蠟

在京師東北六百一十一里至東都

乾元元年復爲延州

戶萬八千九百五十四口十萬四千

舊領戶九千三

五十一里

百四口萬四千縣十天寶領

有府七曰敦化延川寧戎

因城塞門延安金明又儀鳳中吐谷渾部落自涼州內

附置二府于金明西境曰羌部落曰閣門

膚施

上隋縣分豐林金明二縣置有牢山鎮城

延長

中本延安武德二年置以縣置北連州并

置義鄉齊明二縣以隸之貞觀二年州廢臨真

中武德元年

省義鄉齊明入延安來屬廣德二年更名

金明

中武德二年析膚施置以縣置

年隸東夏州貞觀二年來屬

北武州并置開遠全義崇德永

安定義五縣貞觀二年州廢省開遠豐林年武德四

全義崇德永安定義入金明來屬

州及雲中榆林龍泉三縣八年州廢省龍泉延川中

入臨真省雲中榆林入豐林東北有合嶺關

德二年招慰稽胡置基州又安撫使段德操表置義

門縣以義門置南平州三年折綏州之城平置魏平

縣四年廢南平州省義門魏平五年更敷政中下本

基州曰北基州貞觀八年州廢來屬敷政固城武

德二年徙治金城鎮更名金城又東境置永州并置

洛盤新昌土埏三縣貞觀四年徙州治洛源八年州

廢省洛盤新昌土埏入延昌武德二年置北仁備

金城天寶元年曰敷政延昌州貞觀三年州廢十年

以其地置罷交縣天寶延水中下本安民武德二年

元年更名其北蘆子關延水折延川置以縣置西和

州并置修文桑原二縣貞觀二年州廢省修文桑原

入安民隸北基州八年州廢來屬二十三年曰宏風

神龍元門山上武德三年折汾川置治宋斯堡總章二

年更名

靈州靈武郡大都督府隋靈武郡武德元年改爲靈州

總管府領迴樂宏靜懷遠靈武

地理關內道

二

二

二

二

鳴沙五縣二年以鳴沙縣屬西會州貞觀四年於迴樂縣置迴環二州並屬靈州都督府九年廢環州鳴沙屬靈州十三年廢迴州二十年鐵勒歸附於州界置皋蘭高麗祁連三州並屬靈州都督府永徽元年廢皋蘭等三州調露元年又置魯麗塞含依契等六州總爲六胡州開元初廢復置東皋蘭燕然燕山雞田雞鹿燭龍等六州並寄靈州界屬靈州都督府天寶元年改爲靈武郡至德元載七月肅宗卽位於靈武升爲大都督府乾元元年復爲靈州

土貢紅藍甘草花菴蓉代赭白膠青蟲鵬鵠

白羽麝野馬鹿革野豬黃吉莫鞞鞞庫利赤檉馬策印鹽黃牛臆

在京師西北一千二百里至東都二千里

戶萬一千四百五

十六口五萬三千一百六十三

舊領戶四千六百四十口二萬一千四百六十

二縣四

舊領縣五天有府五曰武畧河間靜城鳴沙萬

春有朔方軍經畧黃河外有豐安定遠新昌等軍豐寧

保寧等城

迴樂

望武德四年析置豐安縣貞觀四年於迴樂境置迴州以豐安隸迴州十三年州廢省豐安有

溫泉鹽池有特進渠溉田

靈武

上

懷遠 緊武德元年改爲豐州領

九原縣六年廢豐州省九原永豐二縣入焉隋九原郡也儀鳳中再築新城有鹽池三日紅桃武平河池

保靜

上本宏靜神龍元年曰安靜至德元載更名

威州

舊書無

郡闕中本安樂州初吐谷渾部落自涼州徙

于鄯州不安其居又徙于靈州之境咸亨三年以靈州之故鳴沙縣地置州以居之至德後沒吐蕃大中三年收復更名光啟三年徙治涼州鎮爲行州縣二

鳴沙

上武德二年置會州貞觀六年州廢更置環州以大河環曲爲名九年州廢還隸靈州神龍中

爲默噉所寇移治故豐安城咸亨三年復得故縣○案咸亨不當在神龍後疑有誤

温池

上本隸靈

州神龍元年置大中四年來屬有鹽池

雄州

舊書無

在靈州西南百八十里中和元年徙治承天

堡爲行州

警州

舊書無

本定遠城在靈州東北二百里先天二年朔

方大總管郭元振置其後爲上縣隸靈州景福元年靈

威節度使韓遜表爲州

羊馬城幅員十四里信安王禕所築

會州會寧郡上本西會州武德二年以平涼郡之會寧

鎮置貞觀八年以足食故更名粟州是年又更名

天寶元年

改爲會寧郡乾元元年復爲會州

土貢駝毛褐野馬革覆鞍氍毹鹿舌鹿

尾去京師一千一百里至東都二千一百里戶四千五百九十四口二萬六

千六百六十縣二有新泉軍閼元三年廢爲守捉

會寧

上本涼川武德二年更名閼元四年別置涼川縣九年省有黃河堰閼元七年刺史安敬忠築

以捍河流有河池因雨

烏蘭

上後周縣武德九年置在會寧關東南四里天

生鹽東南有會寧關授二年移於關東北七里西南有烏蘭關

鹽州五原郡下都督府本鹽川郡唐初沒梁師都武德

元年

改爲鹽州領五原興寧二縣

僑治靈州貞觀元年州省以縣隸

靈州二年師都平復置州

隸夏州都督府其年改屬靈州都督府

天寶元

年更郡曰五原

乾元元年十一月開爲都督府

貞元三年沒

吐蕃九年復城之

元和八年隸夏州

土貢鹽山木瓜延牛

在京師西

北一千一百里至東都二千一百里戶二千九百二十九口萬六千六百

六十五舊領戶九百三十二縣二有府一曰鹽川有保

塞軍貞元十九年置

五原

上有烏池白池細

白池

上本與寧貞觀元年與州同省二年復置景龍

二年更名○舊書龍朔三年復置疑誤

夏州朔方郡中都督府

隋朔方郡貞觀二年平梁師都改爲夏州都督府領夏綏銀三

州共夏州領德靜巖銀寧朔長澤四縣七年於德靜縣置長州都督府八年改北開州爲化州十三年廢化州及長州以德靜長澤二縣來屬天寶元年改爲朔方郡乾元元年復爲夏州土貢羶角弓酥

拒霜薺

在京師東北一千一百一十里

戶九千二百一十

三口五萬三千一十

舊書

四

舊領戶二千三百二十縣

三舊領有府二曰寧朔順化

朔方

上本崑銀貞觀三年二舊籍更名貞觀七年開延化渠引鳥水入庫狄澤溉田二百頃有鹽池二

有天柱軍天寶十四載置寶應元年廢長慶四年節度使李祐築烏延宥州臨塞陰河陶子等城于蓋子關北以護塞德靜中下貞觀七年隸北開州寧朔中外有木瓜嶺武德六年置南夏州貞觀二年州廢縣省入朔方永徽五年復置來屬長安二年省開元四年又置九年省其後又置

綏州上郡下本雕陰郡地唐初沒梁師都武德三年以

歸民於延州豐林縣僑置

三年置綏州總管府領西和南平北基銀雲貞上珍北吉

匡龍等十一州其綏州領上大斌城平綏德延福五縣

六年徙治延川境七年徙

治魏平貞觀二年師都平

罷都督府歸治上縣天寶元年更

郡名乾元元年復為綏州土貢胡女布蠟燭在京師東北一千里至東都一千八百一

里十九戶萬八百六十七口八萬九千一百一十二舊領戶三

萬六千一百六十三口一縣五有府四曰伏洛義合萬古大

斌

龍泉

中本上縣天延福中下武德六年析置北吉州寶元年更名并置歸義洛陽二縣又析置

羅州并置石羅間善萬福三縣又析置匡州并置安定源泉二縣貞觀二年州縣皆廢綏德中

武德二年置六年析置雲州并置信義淳義二縣又析置龍州并置風鄉義良二縣貞觀二年州縣皆廢

城平中下武德三年置魏平縣屬南平州又置魏州并置安故安泉二縣七年於魏平城中置魏州

總管府并大斌縣貞觀二年南平州魏州廢省魏平安故安泉移州治於上縣大斌治於今所西南有魏

平大斌中下武德七年徙治魏平城貞觀二年關移治今所取稽胡懷化文武雜半以名

銀州銀川郡下貞觀二年析綏州之儒林真鄉置天寶元年

改爲銀川郡乾元元年復爲銀州土貢女稽布在京師東北一千一百三十里至東都一千五百

九里百七十七戶七千六百二口四萬五千五百二十七舊領戶一

千四百九十五縣四

儒林中東北有無定河真鄉中下西北有茹蘆水開光中本隸綏州貞觀二年置八年

隸柘州十三年州廢來屬撫寧中下本隸綏州貞觀八年來屬治龍泉川開元二年移於今所

宥州寧朔郡上調露元年於靈夏南境以降突厥置魯

州麗州含州塞州依州契州以唐人爲刺史謂之六胡

州長安四年併爲匡長二州神龍三年置蘭池都督府

分六州爲縣開元十年復置魯州麗州契州塞州十年

平康待賓遷其人於河南及江淮十八年復置匡長二

州二十六年還所遷胡戶置宥州及延恩等縣其後僞

治經畧軍

天寶元年改爲寧朔郡

至德二載更郡曰懷德

置都督府乾

元元年復故名寶應後廢元和九年於經畧軍復置距

故州東北三百里十五年徙治長澤爲吐蕃所破長慶

四年節度使李祐復奏置土貢

去京師二千一百里至東都三千一百九

十里戶七千八十三口三萬二千六百五十二縣二

天寶領縣

三延恩歸仁懷德

延恩

中開元二十六年以故匡州地置又以故塞門縣地置懷德縣以故蘭池州之長泉縣地置歸

仁縣寶應後皆省元和九年復置延恩有長澤

中下經畧軍在榆多勒城天寶中王忠嗣奏置木隸

夏州貞觀七年置長州十三年州廢隸
夏州元和十五年來屬有胡洛鹽池

麟州新秦郡下都督府開元十二年析勝州之連谷銀

城置十四年廢天寶元年復置其年改爲新秦郡乾元元年復爲麟州土

貢青他鹿角去京師一千四百四十里至東都一千九百五里戶二千四百二

十八口萬九百三縣三

新秦中開元二年置七年又置鐵峽縣十四年州廢皆省天寶元年復置新秦縣連谷中

貞觀八年以銀城中下貞觀二年置四年隸銀州八年隸勝州

勝州榆林郡下都督府隋置勝州大業爲榆林郡武德中沒梁師都

師都平復置天寶元年改爲榆林郡乾元元年復爲勝州土貢胡布青他鹿

角芍藥徐長卿去京師一千八百二十里至東都一千九百五里戶四千一百

八十七口二萬九百五十二縣二有義勇軍

榆林

中下有隋故榆林官東有榆林關貞觀十三年置

河濱

中下貞觀三年置以縣置雲州

四年曰威州八年州廢來屬東北有河濱關貞觀七年置

豐州九原郡下都督府

隋文帝置後廢

貞觀四年以降突厥戶

置不領縣十一年

舊書二十一年

州廢地入靈州二十三年復

置

天寶元年改為九原郡乾元元年復為豐州

土貢白麥印鹽野馬勝革駝

毛褐羶

在京師北二千二百六里至東都三千四十四里

戶二千八百一十三

口九千六百四十一縣二

九原

中下永徽四年置有陵陽渠建中三年後之以溉田置屯尋棄之有成應永濟二渠貞元中刺

史李景畧開

永豐

中下隋縣武德六年省永徽元年置麟德元年別置豐安縣天寶末

省東受降城

景雲三年朔方軍總管張仁愿築三受降城寶曆元年振武節度使張惟清以

東城濱河徙置綏遠烽南

中受降城

元和九年置又有積塞軍本

可敦城天寶八載置十二載廢西二百里大同川有

天德軍大同川之西有天安軍皆天寶十三載置天

德軍乾元後徙屯永濟柵故大同城也元和

九年宰相李吉甫奏修復舊城北有安樂戍

西受降城開元初爲河所圯十年總管張說於

城東別置新城北三百里有鷓鴣泉

單于大都護府 舊書屬河東道 本雲中都護府龍朔三年置麟

德元年更名土貢胡女布野馬胯革 在京師東北二千

都二千里戶二千一百五十五 舊書二千一百 口六千八百七十七

舊書一萬三千縣一

金河

中天寶四載置本後魏道武所都

安北大都護府本燕然都護府龍朔三年曰瀚海都督府總章二年更名開元二年治中受降城十年徙治豐勝二州之境十二年徙治天德軍土貢野馬胯革在黃河北至陰山七十里至迴紇界七百里去京師二千七百里至東都二千九百里戶二千六口七千四百九十八縣二

陰山

上天寶元年置

通濟

上舊書無

鎮北大都護府土貢犛牛尾縣二

大同

上

長寧

上

右關內採訪使以京官領

唐書卷第五十六